

Khasitomo ya SARS yi teka switumbuluxamusi swa mimovha leswi nga riki nawini leswi nga na nkoka wa R21-million

Tshwane, 2 Nyenyenyani 2022 - Xiyenge xa Khasitomo xa Vukorhokeri bya Xibalo bya Afrika-Dzonga (SARS) xi endlile miteko yinharhu eRivaleni ra Swihahampfhuka ra Misava Hinkwayo ra OR Tambo ya switumbuluxamusi swa mimovha (catalytic converters) na mapa lama gayiweke ku suka eka vundzeni bya xitumbuluxamusi xa movha, leyi nga na nkoka wa R21-million. Mapa lama gayiweke ku suka eka vundzeni bya xitumbuxamusi xa movha ma hoxa xandla eka xidzidziharisi lexintshwa xa xidumo.

Yuniti ya timbyana to nuhetela ya Khasitomo yi yimisile mirhwalo yinharhu leyi tikaka 2 649kg leyi a yi kongome eDubai, United Kingdom na Jordan.

Switumbuluxamusi swa mimovha na mapa lama gayiweke ku suka eka vundzeni bya switumbuxamusi swa mimovha a swi tumbetiwile eka madiromu ma tisimbhi na tibeke. Vona swifaniso leswi khomanisiweke.

Xitumbuluxamusi xa movha xi na tisimbhi leti nga na phaladiyamu, rhodiyamu, pulatinamu na nsuku. Hi ku tirhisa phurosepe yo basisa tisimbhi leti ta nkoka ti nga tsavuriwa no tirhisiwa ku tumbuluxa swin'wetsin'wetsi swa nkoka, swivandla swa mimovha ku katsa na matlharhi.

Vundzeni bya xitumbuluxamusi xa movha lexi tsemaka musi wa tigasi ta thyaka ti nga gayiwa ku endla mapa mo sefeka no tirhisiwa ku tumbuluxa xidzidziharisi xa nghozi. Leswi swi fikise eka ntlakuko wa xihatla wa vukhamba bya switumbuluxamusi ematikweni man'wana.

Ndzhwalo wu tivisiwile tanihi *Ceramic Catalyst Sample*. Xiyenge xa Ndzavisiso wa Vugevenga bya Xirhangana (Hawks) xi tivisiwile mayelana na mbvumbunulo naswona tinhundzu ti yisiwile eka vona ku lavisisiwa ku ya emahlweni.

Khomixinara wa SARS Edward Kieswetter u ndhundhuzerile vaofisiri va Khasitomo va yuniti ta timbyana to nuhetela eka vurhonwana bya vona eku sivaleni ka vuxavisi lebyi nga riki enawini eka swilo leswi nga tirhisiwaka ku tumbuluxa matlhari na swidzidziharisi.

"Miteko i vumbhoni bya hiseko na vutinyiketeri swa vatirhi va Khasitomo va SARS ku hunguta vuxavisi eka leswi nga riki enawini na swilo swo onha," ku engeterile Ttn Kieswetter.

Mayelana na vuxokoxoko byo tala, u komberiwa ku tihlanganisa na SARSMedia@sars.gov.za